

I

Posta tra campu e monte, in s'intermediu
in un'altura 'e fronte a Munserradu,
b'hat unu santuariu incantadu:
est de Nostra Signora 'e su Rimadiu.

2

~~De~~ Ottieri sos otto 'ighinados
s'istenden in sa rabida costera,
e a su ~~vinu~~ ^{corp in altu &}, cale mama vera,
si los astringhet che fizzes amados.

3

Mama de bellas feminas est custa
terra de incantu, e de musas suaves;
~~ma~~ ^{triste} in su passadu ~~ma~~, in penas graves
s'est de amaras lagrimas infusta.

4

Oh! cantu sidis, misera, hat suffertu,
aih! canta malaria, in su campu
senz'unu 'utiu 'e abba-nè unu rampu
chi l'haerat fatt'umbra! Unu desertu!

5

Grazia 'e sa Madonna e de su nou
inzeniu oberosu, oe fiorit
a sa luma 'e sa Fide chi non morit:
istella fissa 'e su caminu sou.

6

Oe, Ottieri, non senza rejone
preghende s'imbenugat a s'altare
cun rinforzada ispera, a invocare
sa Santa Sua Benedizione.

Corveddu Salvatore (noto Grolle)

Nughedu San Nicolò